

四庫全書

史部

欽定四庫全書

史部

水經注卷二十五

詳校官監察御史臣周元良

刑部郎中臣許兆椿覆勘

總校官庶吉士臣何思鈞

校對官中書臣葉蘭

謄錄監生臣李師弼

欽定四庫全書

水經注卷二十五

魏 酈道元 撰

泗水 沂水 洙水

泗水出魯卞縣北山

地理志曰出濟陰乘氏縣又云出卞縣北經言北山
皆為非矣山海經曰泗水出魯東北余昔因公事沿
歷徐沚路邈洙泗因令尋其源流水出卞縣故城東

南桃墟西北春秋昭公七年謝息納季孫之言以孟

氏成邑與晉而遷于桃杜預曰魯國卞縣東南有桃

墟世謂之曰陶墟舜所陶處也

案近刻脫陶字

井曰舜井皆

為非也墟有漏澤

案漏近刻訛作澤

方十五里淥水澂渟三

丈如減澤西際阜俗謂之媯亭山蓋有陶墟舜井之

言因復有媯亭之名矣阜側有三石穴

案側近刻訛作則

廣

圓三四尺穴有通否水有盈漏漏則數夕之中

案近刻脫

一漏字又則字訛在此句之下

傾陂竭澤矣左右民居識其將漏預

以木為曲狀

案近刻
訛作狀

約障穴口魚鼈暴鱗不可勝載

矣自此連岡通阜西北四十許里岡之西際便得泗

水之源也博物志曰泗出陪尾蓋斯阜者矣石穴吐

水五泉俱導泉穴各徑尺餘水源南側有一廟栝柏

成林時人謂之原泉祠

案人近刻
訛作則

非所究也泗水西

逕其縣故城南春秋襄公二十九年

案近刻
脫九字

季武子

取卞曰聞守卞者將叛臣率徒以討之是也南有姑

蔑城春秋隱公元年公及邾儀父盟于蔑者也水出

二邑之間西逕郛城北春秋文公七年經書公伐郛
三月甲戌取須句遂城郛杜預曰魯邑也卞縣南有
郛城備郛難也泗水自卞而會于洙水也

西南過魯北

泗水又西南流逕魯縣分為二流水側有一城為二
水之分會也北為洙瀆春秋莊公九年經書冬浚洙

京相璠服虔杜預

案近刻脫服虔二字
京相璠下衍曰字

竝言洙水在

魯城北浚深之為齊備也南則泗水夫子教于洙泗

之間今于城北二水之中即夫子領徒之所也從征

記曰洙泗二水交于魯城東北十七里闕里背洙面

泗

案近刻脫面字又此句之下衍牆字

南北百二十步東西六十步四

門各有石閘北門去洙水百步餘後漢初闕里荆棘

自闕從講堂至九里鮑永為相因脩饗祠以誅魯賊

彭豐等郭緣生言泗水在城南非也余按國語宣公

夏濫于泗淵里革斷罟棄之韋昭云泗在魯城北火

記豕記王隱地道記咸言葬孔子于魯城北泗水上

今泗水南有夫子冢春秋孔演圖曰鳥化為書孔子奉以告天赤爵銜書上化為黃玉刻曰孔提命作應法為赤制說題辭曰孔子卒以所受黃玉葬魯城北即子貢廬墓處也譙周云孔子死後魯人就冢次而居者百有餘家命曰孔里孔叢曰

紫孔叢下近刻有子字係後人妄加

夫子墓塋方一里在魯城北六里泗水上諸孔氏封五十餘所人名昭穆不可復識有銘碑三所獸碣其存皇覽曰弟子各以四方奇木來植故多諸異樹不

生棘木刺草今則無復遺條矣泗水自城北南逕魯城西南合沂水沂水出魯城東南尼丘山西北山即顏母所祈而生孔子也山東十里有顏母廟山南數里孔子父葬處禮所謂防墓崩者也平地發泉流逕魯縣故城南水北東門外即爰居所止處也國語曰海鳥曰爰居止于魯城東門之外三日臧文仲祭之展禽譏焉故莊子曰海鳥止郊魯侯觴之奏以廣樂具以太牢三日而死此養非所養矣門郭之外亦戎

夷死處呂氏春秋曰昔戎夷違齊如魯天大寒而後
門與弟子宿于郭門外寒愈甚謂弟子曰子與我衣
我活我與子衣子活我國士也為天下惜子不肖人
不足愛弟子曰不肖人惡能與國士并衣哉戎歎曰
不濟夫解衣與弟子半夜而死沂水北對稷門昔圍
人犖有力能投蓋于此門服虔曰能投千鈞之重過
門之上也杜預謂走接屋之桷反覆門上也春秋僖
公二十年經書春新作南門左傳曰書不時也杜預

曰本名稷門僖公更高大之今猶不與諸門同改名

高門也

案改近
剏作故

其遺基猶在地八丈餘矣亦曰雩門

春秋左傳莊公十年公子偃請擊宋師竊從雩門蒙
臯比而出者也門南隔水有雩壇壇高三丈曾點所
欲風舞處也高門一里餘道西有道兒君碑是魯相
陳君立昔曾參居此臯不入郭縣即曲阜之地少昊
之墟有大庭氏之庫春秋豎牛之所攻也故劉公幹
魯都賦曰戢武器于有炎之庫放戎馬于巨野之坰

周成王

案近刻訛作武王

封姬旦于曲阜曰魯秦始皇二十

三年以為薛郡漢高后元年為魯國阜上有季氏宅

宅有武子臺今雖崩夷猶高數丈臺西百步有大井

廣三丈深十餘丈以石壘之石似磬制

案近刻似訛作以

春

秋定公十二年公山不狃帥費人攻魯

案近刻脫人字

公入

季氏之宮登武子之臺也臺之西北二里有周公臺

高五丈周五十步臺南四里許則孔廟即夫子之故

宅也宅大一頃所居之堂後世以為廟漢高祖十三

年過魯以太牢祀孔子自秦燒詩書經典淪缺漢武帝時魯恭王壞孔子舊宅得尚書春秋論語孝經時人已不復知有古文謂之科斗書漢世秘之

案世近刻作時

希有見者于時聞堂上有金石絲竹之音乃不壞

案近

刻此下衍矣字

廟屋三間夫子在西間東向

案間近刻訛作面

顏母

在中間南面夫人隔東一間東向夫子牀前有石硯一枚作甚朴云平生時物也魯人藏孔子所乘車于廟中是顏路所請者也獻帝時廟遇火燒之永平中

鍾離意為魯相到官出私錢萬三千文付戶曹孔訢
治夫子車身入廟拭几席劍履男子張伯除堂下草
土中得玉璧七枚伯懷其一以六枚白意意令主簿
安置几前孔子寢堂牀首有懸甕意召孔訢問何等
甕也對曰夫子甕也背有丹書人勿敢發也意曰夫
子聖人所以遺甕欲以懸示後賢耳發之中得素書
文曰後世脩吾書董仲舒護吾車拭吾履發吾笥會
稽鍾離意璧有七張伯藏其一意即召問伯果服焉

魏黃初元年

案近刻訛作二年

文帝令郡國脩起孔子舊廟

置百石吏卒

案石近刻訛作夫

廟有夫子像列二弟子執卷

立侍穆穆有詢仰之容漢魏以來廟列七碑二碑無

字枯柏猶茂廟之西北二里有頗母廟廟像猶嚴有

脩枯五株孔廟東南五百步有雙石闕即靈光之南

闕北百餘步即靈光殿基東西二十四丈南北十二

丈高丈餘東西廊廡別舍中間方七百餘步闕之東

北有浴池方四十許步池中有釣臺方十步臺之基

岸悉石也

案北七字近刻訛作
池臺悉石也五字

遺基尚整故王延壽

賦曰周行數里仰不見日者也是漢景帝程姬子魯

恭王之所造也殿之東南即泮宮也在高門直北道

西宮中有臺高八十尺臺南水東西百步南北六十

步臺西水南北四百步東西六十步臺池咸結石為

之詩所謂思樂泮水也泮水又西逕園丘北丘高四

丈餘泮水又西流昔韓雉射龍于斯水之上尸子曰

韓雉見申羊于魯有龍飲于泮韓雉曰吾聞之

案近
刻訛

也作

出見虎搏之見龍射之今弗射是不得行吾聞也

遂射之沂水又西右注泗水也

集近到也
上行者字

又西過瑕丘縣東屈從縣東南流瀛水從東來注之

瑕丘魯邑春秋之負瑕矣哀公七年季康子伐邾因

諸負瑕是也應劭曰瑕丘在縣西南昔衛大夫公叔

文子升于瑕丘蘧伯玉從文子曰樂哉斯丘死則我

欲葬焉伯玉曰吾子樂之則瑗請前刺其欲害民良

田也瑕丘之名蓋因斯以表稱矣曾子弔諸負夏鄭

玄皇甫謐並言衛地魯衛雖殊土則一也鄆水出東

海合鄉縣漢安帝永初七年

集近到訛作和帝永寧九年

封馬光

子朗為侯國

集近刻朗作復

其水西南流入鄉

集入鄉二字有舛誤

春

秋哀公二年季孫斯伐邾取鄆東田及沂西田是也

鄆水又逕魯國鄆山東南而西南流春秋左傳所謂

嶧山也邾文公之所遷今城在鄆山之陽

集近刻脫在字依

巖阻以墉固故邾婁之國曹姓也叔梁紇之邑也孔

子生于此後乃縣之因鄆山之名以氏縣也王莽之

鄒亭矣京相璠曰地理志嶧山在鄒縣北繹邑之所

依以為名也

案近刻
脫以字

山東西二十里高秀獨出積石

相臨殆無土壤石間多孔穴洞達相通往往有如數

間屋處其俗謂之嶧孔遭亂輒將家入嶧

案近刻
訛作處下

衍人
字

外寇雖衆無所施害晉永嘉中

案近刻
脫晉字

太尉郗

鑒將鄉曲保此山

案保近
刻作逃

胡賊攻守不能得今山南

有太嶧名曰郗公嶧山北有絕巖秦始皇觀禮于魯

登于嶧山之上命丞相李斯以大篆勒銘山嶺名曰

畫門詩所謂保有鬼嶧者也

案有近刻訛作其

潞水又西南

逕蕃縣故城南又西逕薛縣故城北地理志曰夏車

正奚仲之國也竹書紀年梁惠成王三十一年邳遷

于薛改名徐州城南山上有奚仲冢晉太康地記曰

案近刻脫曰字

奚仲冢在城南二十五里山上百姓謂之神

靈也齊封田文于此號孟嘗君有惠喻今郭側猶有

文冢結石為郭作制嚴固瑩麗可尋行人往還莫不

逕觀以為異見矣潞水又西逕仲虺城北晉太康地

記曰奚仲遷于邳仲虺居之以為湯左相其後當周
爵稱侯後見侵削霸者所絀為伯任姓也應劭曰邳
在薛徐廣史記音義曰楚元王子郢客

案近刻
脫客字

以呂

后二年封上邳侯也有下故此為上矣晉書地道記

曰仲虺城在薛城西三十里漈水又西至湖陸縣入

于泗

案西下近
刻衍邈字

故京相璠曰薛縣漈水首受蕃縣西

注山陽湖陸是也經言瑕丘東誤耳

又南過平陽縣西

縣即山陽郡之南平陽縣也竹書紀年曰梁惠成王

二十九年齊田盼

案近刻此作盼

及宋人伐我東鄙圍平陽

者也王莽改之曰黽平矣泗水又南逕故城西世謂

之漆鄉應劭十三州記曰漆鄉邾邑也杜預曰平陽

東北有漆鄉

案此下近刻衍漆字

今見有故城西南方二里所

未詳也

又南過高平縣西洸水從西北來

案西北近刻訛作北西

流注之

泗水南逕高平山山東西十里南北五里高四里與

衆山相連其山最高頂上方平故謂之高平山縣亦取名焉泗水入南逕高平縣故城西漢宣帝地節三

年封丞相魏相為侯國高帝七年

案近刻訛作八年

封將軍

陳鐔為橐侯

案鐔原本及近刻並訛作錯史記索隱音指引三倉云九江人名鐵曰鐔不得

為錯明矣今改正又橐史記漢書功臣表並訛作橐索隱云屬山陽而臣瓚于地理志云音拓則橐乃橐之訛

地理志山陽之屬縣也

案近刻訛作地理志曰縣故山陽之橐也

王

莽改曰高平應劭曰章帝改按本志曰王莽改名章帝因之矣所謂洸水者洙水也蓋洸洙相入互受通

稱矣

葉近刻
脫五字

又南過方與縣東

漢哀帝建平四年縣女子田無嗇生子先未生二月
兒啼腹中及生不舉葬之陌上三日人過聞啼聲母
掘養之

荷水從西來注之

案荷近刻
訛作荷

荷水即濟水之所苞注以成湖澤也而東與泗水合
于湖陵縣西六十里穀庭城下俗謂之黃水口黃水

西北通巨野澤蓋以黃水沿注于荷故因以名焉

又屈東南過湖陸縣南涓涓水從東北來流注之

地理志故湖陵縣也

案原本及近刻並訛作地理志曰故湖陸縣也今改正

荷

水在南王莽改曰湖陸應劭曰

案此下原本及近刻並衍尚書二字

一

名湖陵章帝封東平王蒼子為湖陸侯更名湖陸也

案原本及近刻並訛作為湖陵侯更名湖陵也考後

漢書郡國志山陽郡湖陸故湖陵章帝更名劉昭注

云前漢志王莽改曰湖陸章帝復其號又郡國志高

平侯國故索章帝更名劉昭注云前漢志王莽改曰

高平章帝復莽此號蓋光武中興凡莽所改即不行

用至章帝改湖陵為湖陸改索為高平偶與莽同以

莽不足道故直曰章帝更名耳光武永平二年以橐
湖陵益東平國見光武十王列傳注云橐縣一名馬
平其正文及注兩橐字皆橐之訛是光武時仍前漢
之舊稱橐湖陵章帝已後則稱高平湖陸也今漢書
地理志山陽郡湖陵下云禹貢浮于泗淮通于河水
在南莽曰湖陸應劭曰尚書一名湖章帝封東平王
倉子為湖陵侯更名湖陵此條舛誤者八泗淮當作
淮泗一也通于河當作通于荷二也水在南當作荷
水在南三也尚書二字當在禹貢二字上不當在應
劭曰下四也應劭時稱湖陸已久所引應劭語宜為
地理風俗記湖陸縣之文一名湖當是一名湖陵校
漢書者妄刪陵字以起下文有陵字為更名耳五也
倉當作蒼六也為湖陵侯當作為湖陸侯七也更名
湖陵當作更名湖陸八也道元此注亦有尚書二字
蓋校是書者據漢志訛本增入說文荷字下云荷澤
水在山陽湖陵引禹貢浮于淮泗達于荷而水經濟

水內敘荷水云又東南過湖陸縣南東入于泗水道
元注亦引尚書浮于淮泗達于荷今尚書本皆訛作
達于河以尚書及前後漢書水經注互有外誤
彼此紛糾僅就一處訂正終難了徹故備論之泗水

又東逕郁鑒所築城北又東逕湖陵城東南昔桓溫

之北入也范曄擒慕容忠于此城東有度尚碑泗水

又左會南梁水地理志曰水出蕃縣今縣之東北平

澤出泉若輪焉發源成川西南流分為二水北水枝

出西逕蕃縣北案近刻訛作北枝西逕滕城北春秋

左傳隱公十一年滕侯薛侯來朝爭長薛侯曰我先

封滕侯曰我周之卜正也薛庶姓也我不可以後之
公使羽父請薛侯曰君尋在寡人周諺有之曰山有
木工則度之實有禮主則擇之周之宗盟異姓為後
寡人若朝于薛不敢與諸任齒君若辱貺寡人則願
以滕君為請薛侯許之乃長滕侯者也漢高祖封夏
侯嬰為侯國號曰滕公鄧晨曰今沛郡公丘也其水
又溉于丘焉案于近列
訛作公縣故城在滕西北城周二十
里內有子城案近列脫
此九字按地理志即滕也周懿王子

錯叔繡文公所封也齊滅之秦以為縣漢武帝元朔
三年封魯恭王子劉順為侯國世以此水溉我良田
遂及百畝故有兩溝之名焉南梁水自枝渠西南逕
魯國蕃縣故城東俗以南鄰于鄒亦謂之西鄒水南
梁水入屈逕城南應劭曰縣古小邾邑也地理志曰
其水西流注于濟渠渠濟近剡訛沛下同又脫渠字濟在湖陸西而
左注泗泗濟合流故地記或言濟入泗泗亦言入濟
互受通稱故有入濟之文闕駟十三州志曰西至湖

陸入泗是也經無南梁之名而有涓涓之稱

案近刻訛作涓

涓之水下同

疑即是水也戴延之西征記亦言湖陸縣之

東南有涓涓水亦無記于南梁謂是吳王所道之瀆

也余按湖陸西南止有是水延之蓋以國語云吳王

夫差起師將北會黃池掘溝于商魯之間北屬之沂

西屬于濟以是言之故謂是水為吳王所掘

案近刻脫謂字

非也余以水路求之止有泗川耳

案有近刻訛作白

蓋北達

沂西北逕于商魯而接于濟矣

案近刻無矣字

吳所浚廣耳

非謂起自東北受沂西南注濟也假之有通非吳所

趣年載誠眇人情則近

案則近刻作廟

以今村古益知延之

之不通情理矣

案益知近刻訛作知一

泗水又南漑水注之又

逕薛之上邳城西而南注者也

又東過沛縣東

昔許由隱于沛澤即是縣也縣蓋取澤為名宋滅屬

楚在泗水之濱

案在近刻訛作左

于秦為泗水郡治黃水注

之黃水出小黃縣黃鄉黃溝國語曰吳子會諸侯于

黃池者也黃水東流逕外黃縣故城南張晏曰魏郡
有內黃縣故加外也薛瓚曰縣有黃溝故縣氏焉圉
稱陳留風俗傳曰縣南有渠水于春秋為宋之曲棘
里故宋之別都矣春秋昭公二十五年宋元公卒于
曲棘是也宋華元居于穉里宣公十五年楚鄭圍宋
晉解揚違楚案近刻揚訛作
楊違訛作圉致命于此宋人懼使華
元乘闌夜入楚師登子反之牀曰寡君使元以病告
弊邑易子而食析骸以爨城下之盟所不能也子反

退一舍宋楚乃平今城東闔上猶有華元祠祠之不
輟城北有華元冢黃溝自城南東逕蔡丘下春秋僖
公九年齊桓公會諸侯于葵丘宰孔曰齊侯不務德
而勤遠略北伐山戎南伐楚西為此會東略之不知
西則否矣其在亂乎

案在近刻
訛作有

君務靖亂無勤于行

晉侯乃還即此地也黃溝又東注大澤蒹葭萑葦生

焉

案萑近
刻作莞

即世所謂大薺陂也陂水東北流逕定陶

縣南又東逕山陽郡成武縣之楚丘亭北

案此十四
字原本及

近刻並截上六字訛作經下八字仍屬注文考之上
下皆注內敘黃溝所逕不得承接經文泗水今改正

黃溝又東逕成武縣故城南

案東逕下近刻有郛城北三字係下文衍復在

此

王莽更之曰成安也黃溝又東北逕郛城北春秋

桓公二年經書取郛大鬲于宋戊申納于太廟左傳

曰宋督攻孔父而取其妻殺殤公而立公子馮以郛

大鬲賂公臧哀伯諫為非禮

案哀伯近刻訛作伯

十三州志曰

今成武縣東南有郛城俗謂之北郛者也黃溝又東
逕平樂縣故城南又東右合泡水即豐水之上源也

水上承大薺陂東逕貫城北

案貫近刻
訛作貫

又東逕已氏

縣故城北王莽之已善也縣有伊尹冢崔駰曰殷帝

沃丁之時

案近刻重
一時字

伊尹卒葬于薄皇覽曰伊尹冢

在濟陰已氏平利鄉皇甫謐曰伊尹年百餘歲而卒

大霧三日沃丁葬以天子之禮親自臨喪以報大德

焉又東逕孟諸澤杜預曰澤在梁國睢陽縣東北又

東逕郛成縣故城南

案近刻脫又東二
字郛成訛作印城

地理志山陽

縣也王莽更名之曰告成矣

案告成近刻
訛作郛城

故世有南

郅北郅之論也又東逕單父縣故城南

郅近刻
脫縣字

昔宓

子賤之治也孔子使巫馬期觀政入其境見夜漁者

問曰子得魚輒放何也曰小者吾大夫欲長育之故

也子聞之曰誠彼形此子賤得之善矣惜哉不齊所

治者小也王莽更名斯縣為利父矣

郅近刻又
訛作善

世祖

建武十三年封劉茂為侯國又東逕平樂縣右合汜

水水上承睢水于下邑縣界

郅近刻
作淮下同

東北注一

水上承睢水于杼秋縣界北流世又謂之瓠盧溝水

積為渚渚水東北流二渠雙引左合澧水俗謂之二
泡也自下澧泡竝得通稱矣故地理志曰平樂侯國
也泡水所出又逕豐西澤

案近刻訛作潭

謂之豐水漢書稱

高祖送徒麗山徒多亡到豐西澤有大蛇當徑拔劍
斬之此即漢高祖斬蛇處也又東逕大堰

案近刻訛作堰

水

分為二又東逕豐縣故城南王莽之吾豐也水側城
東北流右合枝水上承豐西大堰派流東北逕豐城
北東注澧水澧水又東合黃水時人謂之狂水蓋狂

黃聲相近俗傳失實也自下黃水又兼通稱矣水上
舊有梁謂之泡橋王智深宋史云宋太尉劉義恭于
彭城遣軍主稽玄敬北至城覘候魏軍魏軍于清西
望見玄敬士衆魏南康侯杜道儁引趣泡橋沛縣民
逆燒泡橋人于林中打鼓儁謂宋軍大至爭渡泡水
水深酷寒凍溺死者殆半清水即泡水之別名也

案泡

近刻訛
作泗

沈約宋書稱魏軍欲渡清西非也泡水又東

逕沛縣故城南秦末兵起蕭何曹參迎漢祖于此城

高帝十一年封合陽侯劉仲子為侯國城內有漢高祖廟廟前有三碑後漢立廟基以青石為之階陛尚存劉備之為徐州也治此袁術遣紀靈攻備備求救呂布布救之屯小沛招靈請備共飲布謂靈曰玄德布弟也布性不喜合鬪但喜解鬪乃植戟于門布彎弓曰觀布射戟小枝中者當各解兵不中可留決鬪一發中之遂解此即布射戟枝處也述征記曰城極大四周塹通豐水豐水于城南東注泗即泡水也地

理志曰泡水自平樂縣東北至沛入泗者也泗水南

逕小沛縣東縣治故城南垞上

案城近刻
記作縣

東岸有泗

水亭漢祖為泗水亭長即此亭也故亭今有高祖廟

案近刻
脫祖字

廟前有碑延熹十年立廟闕崩禡略無全者

水中有故石梁處遺石尚存高祖之破黥布也過之

置酒沛宮酒酣歌舞慷慨傷懷曰遊子思故鄉也泗

水又東南流逕廣戚縣故城南漢武帝元朔元年封

劉擇為侯國

案擇近刻
訛作澤

王莽更之曰力聚也泗水又

逕留縣而南逕坨城東城西南有崇侯虎廟道淪遺
愛不知何因而遠有此圖泗水又南逕宋大夫桓魋
冢西山枕泗水案枕近剡訛作抗西上盡石案西上近剡訛作上而鑿
而為冢今人謂之石郭者也郭有二重石作工巧夫
子以為不如死之速朽也

又東南過彭城縣東北

泗水西有龍華寺是沙門釋法顯遠出西域浮海東
還持龍華圖首創此制法流中夏自法顯始也其所

持天竺二石

案竺近刻
北作基

仍在南陸東基堪中其石尚

光潔可愛泗水又南獲水入焉

案獲原本及近刻並
訛作淮今改正獲水

入泗見卷二

十三汲水內

而南逕彭城縣故城東周顯王四十二

年九鼎淪沒泗淵秦始皇時而鼎見于斯水始皇自

以德合三代大喜使數千人沒水求之不得所謂鼎

伏也亦云系而行之未出龍齒齧斷其系故語曰稱

樂大早絕鼎系當是孟浪之傳耳泗水又逕龔勝墓

南墓碣尚存又經亞父冢東皇覽曰亞父冢在廬江

縣郭東居巢亭中有亞父井吏民親事皆祭亞父于
居巢廳上後更造祠于郭東至今祠之按漢書項羽
傳歷陽人范增未至彭城而發疽死不言之居巢今
彭城南有項羽涼馬臺案涼近刻訛作掠臺之西南山麓上
即其冢也增不慕范蠡之舉而自絕于斯可謂褊矣
推考書事墓近于此也案墓字近刻訛在事字上

又東南過呂縣南

呂宋邑也春秋襄公元年晉師伐鄭及陳楚子辛救

鄭侵宋呂留是也縣對泗水漢景帝三年有白頸烏
與黑烏羣鬪于縣白頸烏不勝墮泗水中死者數千
京房易傳曰逆親親厥妖白黑烏鬪時有吳楚之反
泗水之上有石梁焉故曰呂梁也昔宋景公以弓工
之弓彎弧東射矢集彭城之東飲羽于石梁即斯梁
也懸濤瀟濟寔為泗險孔子所謂魚鼈不能游又云
懸水三十仞流沫九十里今則不能也蓋惟嶽之喻
未便極天明矣晉太康地記曰水出磬石書所謂泗

濱浮磬者也泗水入東南流丁溪水注之溪水上承
泗水于呂縣東南流北帶廣隰山高而注于泗川泗
水冬春淺濫常排沙通道是以行者多從此溪即陸
機行思賦所云

案近刻脫機
行思三字

乘丁水之捷岸排泗川

之積沙者也晉太元九年左將軍謝玄于呂梁遣督
護聞人爽用工九萬擁水立七柁以利運漕者

案朱
謀埠

云柁當
作埭

又東南過下邳縣西

泗水歷縣逕葛嶧山東即奚仲所遷邳嶧者也泗水

又東南逕下邳縣故城西東南流沂水流注焉

案流下近

刻衍納字

故東海屬縣也應劭曰奚仲自薛徙居之故曰

下邳也漢徙齊王韓信為楚王都之後乃縣焉王莽

之閔儉矣

案近刻脫矣字

東陽郡治文潁曰秦嘉東陽郡人

案近刻脫人字

今下邳是也晉灼曰東陽縣本屬臨淮郡明

帝分屬下邳後分屬廣陵故張晏曰東陽郡今廣陵

郡也漢明帝置下邳郡矣城有三重其大城中有大

司馬石苞

案近刻
脫大字

鎮東將軍胡質司徒王渾監軍石

崇四碑南門謂之白門魏武擒陳宮于此處矣中城

呂布所守也小城晉中興北中郎將荀美郗曇所治

也昔泰山吳伯武少孤與弟文章相失二十餘年遇

于縣市文章欲歐伯武心神悲慟因相尋問

案尋近
刻作詢

乃兄弟也縣為沂泗之會也又有武原水注之水出

彭城武原縣西北會注陂南逕其城西王莽之和樂

亭也

案近刻
脫和字

縣東有徐廟山山因徐徙即以名之也

衆即以近刻
訛作以卽

山上有石室徐廟也武原水又南合武

水謂之洳水南逕剛亭城又南至下邳入泗謂之武

原水口也又有桐水出西北東海容丘縣東南至下

邳入泗泗水東南逕下相縣故城東

衆逕近刻
訛作至

王莽

之從德也城之西北有漢太尉陳球墓墓前三碑

是弟子管寧華歆等所造初平四年曹操攻徐州破

之拔取慮睢陵夏丘等縣以其父避難被害于此屠

其男女十萬泗水為之不流自是數縣人無行跡亦

為暴矣泗水入東南得睢水口泗水又逕宿預城之
西入逕其城南故下邳之宿留縣也王莽更名之曰
康義矣晉元皇之為安東也督運軍儲而為邸閣也
魏太和中南徐州治後省為戍梁將張惠紹北入水
軍所次憑固斯城更增脩郭塹其四面引水環之今
城在泗水之中也

又東南入于淮

泗水又東逕陵柵南西征記曰舊陵縣之治也泗水

又東南逕淮陽城北城臨泗水

案城字近刻訛在北字上

昔葛丘

訢飲馬斬蛟眇目于此處也泗水又東南逕魏陽城北城枕泗川陸機行思賦曰行魏陽之枉渚故無魏陽疑即泗陽縣故城也王莽之所謂淮平亭矣蓋魏文帝幸廣陵所由或因變之未詳也泗水又東逕角城北而東南流注于淮考諸地說或言泗水于睢陵入淮亦云于下相入淮皆非實錄也

沂水出泰山蓋縣艾山

鄭玄云出沂山亦或云臨樂山水有二源

案二近刻訛作三

南源所導世謂之柞泉北水所發

案北近刻訛作屯

俗謂之

魚窮泉俱東南流合成一川右會洛預水水出洛預

山東北流注之沂水東南流

案近刻脫流字

左合桑預水水

北出桑預山東注于沂水沂水又東南螳蜋水入焉

水出魯山東南流右注沂水沂水又東逕蓋縣故城

南東會連綿之水水發連綿山南流逕蓋城東而南

入沂沂水又東逕浮來之山春秋經書公及莒人盟

于浮來者也即公來山也在邳鄉西故號曰邳來之

間也浮來之水注之其水左控三川右會甘水而注

于沂沂水又南逕爆山西山有二峰相去一里雙巒

齊秀圓峙若一沂水又東南逕東莞縣故城西

案莞近刻

訛作苑下同

與小沂水合

案近刻脫小字

孟康曰縣故鄆邑

案鄆近刻

訛作鄆下同

今鄆亭是也漢武帝元朔二年封城陽其王

子吉為東莞侯

案子近刻訛作弟

魏文帝黃初中立為東莞

郡東燕錄謂之圍城劉武帝北伐廣固登之以望王

難

案此二字有舛誤朱謀埠云當作五龍廣固有五龍口見二十六卷

魏南青州治左

氏傳曰莒魯爭鄆為日久矣今城北鄆亭是也京相璠曰琅邪姑幕縣南四十里員亭故魯鄆邑世變其字非也郡國志東莞有鄆亭今在團城東北四十里猶謂之故東莞城矣小沂水出黃孤山西南流逕其城北西南注于沂沂水又南與閭山水合水出閭山東南流右佩二水總歸于沂沂水南逕東安縣故城東而南合時密水水出時密山春秋時莒地

案近刻脫春秋

時三字

左傳莒人歸其仲于魯

案近刻脫左傳二字

及密而死是

也時密水東流

案近刻脫時字下同

逕東安城南漢封魯孝王

子強為東安侯時密水又東南流入沂沂水又南桑

泉水北出五女山東南流巨圍水注之水出巨圍之

山東南注于桑泉水桑泉水又東南堂阜水入焉其

水導源堂阜春秋莊公九年管仲請囚鮑叔受之及

堂阜而稅之杜預曰東莞蒙陰縣西北有夷吾亭者

是也堂阜水又東南注桑泉水桑泉水又東南逕蒙

陰縣故城北王莽之蒙恩也又東南與叟齒水合水

有二源雙會東導一川俗謂之汶水也東逕蒙陰縣

注桑泉水又東南

案近刻訛作又南東

盧川水注之

案盧近刻訛作廬

水出鹿嶺山東南流左則二川臻湊右則諸葛泉源
斯奔亂流逕城陽之盧縣故蓋縣之盧上里也漢武

帝元朔二年封城陽共王子劉緄為侯國

案子近刻訛作弟緄

訛作

王莽更名之曰著善矣又東南注于桑泉水桑

泉水又東南右合蒙陰水

案陰下近刻衍二字

水出蒙山之陰

案近刻訛
作蒙陰山

東北流昔琅邪承宮避亂北山立性好仁
不與物競人有認其黍者捨之而去其水東北流入
于沂沂水又南逕陽都縣故城東縣故陽國也齊同
盟齊利其地而遷之者也漢高帝六年封將軍丁復
為侯國沂水又南與蒙山水合水出蒙山之陰東流
逕陽都縣南東注沂水沂水又左合溫水水上承溫
泉陂而西南入于沂水者也

南過琅邪臨沂縣東又南過開陽縣東

沂水南逕中丘城西春秋隱公七年夏城中丘左傳
曰書不時也沂水又南逕臨沂縣故城東郡國志曰
琅邪有臨沂縣故屬東海郡有治水注之

案治近刻
訛作洛下

同水出泰山南武陽縣之冠石山地理志曰冠石山

治水所出應劭地理風俗記曰武水出焉蓋水異名
也東流逕蒙山下有祠治水又東南逕顓臾城北郡
國志曰縣有顓臾城季氏將伐之孔子曰昔者先王
以為東蒙主社稷之臣

案近刻此
下有也字

何以伐之為

案近
刻無

之字

冉有曰今夫顓臾固而便近于費者也治水又東

南流逕費縣故城南地理志東海之屬縣也為魯季孫之邑子路將墮之公山弗擾師襲魯弗克後季氏為陽虎所執弗擾以費畔即是邑也漢高帝六年封陳賀為侯國王莽更名之曰順從也許慎說文云沂水出東海費縣東西入泗從水斤聲吕忱字林亦言是矣斯水東南所注者沂水在西不得言東南趣也皆為謬矣故世俗謂此水為小沂水治水又東南逕

祊城南春秋隱公八年鄭伯請釋泰山之祀而祀周公使宛歸泰山之祊而易許田杜預釋地曰祊鄭祀泰山之邑也在琅邪費縣東南治水又東南流注于沂沂水又南逕開陽縣故城東縣故郛國也春秋左傳昭公十八年邾人襲郛盡俘以歸郛子曰余無歸矣從擊于邾是也後更名開陽矣春秋哀公三年經書季孫斯叔孫州仇帥師城啟陽者是矣縣故琅邪郡治也

又東過襄賁縣東屈從縣南西流

案近刻作西南流

又屈南過

郟縣西

魯連子稱陸子謂齊湣王曰魯費之衆臣甲舍于襄賁者也王莽更名章信也郟故國也少昊之後春秋昭公十七年郟子朝魯公與之宴昭子叔孫姑問曰少昊鳥名官何也郟子曰吾祖也我知之矣

案近刻無矣字

黃帝炎帝以雲火紀官太皞以龍紀少皞瑞鳳鳥統歷鳥官之司議政斯在孔子從而學焉既而告人曰

天子失官學在四夷者也竹書紀年晉烈公四年越子末句滅邾以邾子鵠歸縣故舊魯也東海郡治秦始皇以為邾郡漢高帝二年更從今名即王莽之沂平者也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳子辭水道不可以行晉乃還是也地理志曰良城王莽更名承翰矣沂水于下邳縣北西流分為二水一水

于城北西南入泗一水逕城東屈從縣南亦注泗謂之小沂水水上有橋徐泗間以為圯昔張子房遇黄石公于圯上即此處也建安二年曹操圍呂布于此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或作池字蓋字誤也洙水自山西北逕蓋縣漢景帝中五年封后兄王信為侯國

案近刻
脫王字

又西逕泰山東平陽

縣春秋宣公八年冬城平陽杜預曰今泰山平陽縣是也河東有平陽故此加東矣晉武帝元康九年改為新泰縣也

西南至卞縣入于泗

洙水西南流盜泉水注之泉出卞城東北卞山之陰尸子曰孔子至于暮矣而不宿于盜泉渴矣而不飲

惡其名也故論語比考識曰

案語比二字近刻訛作慎字

水名盜

泉仲尼不漱即斯泉矣西北流注于洙水洙水又西

南流于卞城西南入泗水亂流西南至魯縣東北
又分為二水水側有故城兩水之分會也洙水分北
流逕孔里北是謂洙泗之間矣春秋之浚洙非謂始
導矣蓋深廣之耳洙水又西南枝津出焉又南逕瑕
丘城東而南入石門古結石為水門

集古近
刻作又

跨于水

上也西南流世謂之杜武溝洙水又西南逕南平陽
縣之顯閭亭西邾邑也春秋襄公二十一年經書邾
庶其以漆閭丘來奔者也杜預曰平陽北有顯閭亭

十三州記曰山陽南平陽縣人有閭丘鄉從征記曰

杜謂顯閭閭丘也

集近刻脫
一閭字

今按漆鄉在縣東北漆

鄉東北十里見有閭丘鄉顯閭非也然則顯閭自是
別亭未知孰是又南洸水注之呂忱曰洸水出東平

陽

集近刻
脫陽字

上承汶水于剛縣西闡亭東爾雅曰汶別

為闡其猶洛之有波矣洸水西南流逕盛鄉城西京
相璠曰剛縣西南有盛鄉城者也又南逕泰山寧陽
縣故城西漢武帝元朔三年封魯共王子劉恬為侯

國王莽改之曰寧順也又南洙水枝津注之水首受洙西南流逕瑕丘城北又西逕寧陽城南又西南入于洸水洸水又西南逕泰山郡乘丘縣故城東趙肅侯二十一年韓將舉與齊魏戰于乘丘即此縣也漢武帝元朔五年封中山靖王子劉將夜為侯國也洸水又東南流注于洙洙水又南至高平縣案近刻脫縣字南入于泗水西有茅鄉城東去高平三十里京相璠曰今高平縣西三十里有故茅鄉城者也

水經注卷二十五

欽定四庫全書

史部

水經注卷二十八至

詳校官監察御史_臣周元良

刑部郎中_臣許兆椿覆勘

總校官庶吉士_臣何思鈞

校對官中書_臣葉蘭

謄錄監生_臣張護

欽定四庫全書

水經注卷二十六

魏 酈道元 撰

沐水

巨洋水 溜水

汶水

濰水 膠水

沐水出琅邪東莞縣西北山

大弁山與小泰山連麓而異名也引控衆流積以成川東南流逕邳鄉南南去縣八十許里城有三面而

不周于南故俗謂之半城沭水又東南流左合峴水

案合近刻

訛作右

水北出大峴山東南流逕邳鄉東東南流

注于沭水也

東南過其縣東

沭水左與箕山之水合水東出諸縣西箕山

案東出近刻訛

作出東

劉澄之以為許由之所隱也更為巨謬矣其水

西南流注于沭水也

又東南過莒縣東

地理志曰莒子之國盈姓也少昊後列女傳曰齊人

杞梁殖襲莒戰死其妻將赴之道逢齊莊公公將弔

之杞梁妻曰如殖死有罪

案近刻脫死字

君何辱命焉如殖

無罪有先人之敝廬在下妾不敢與郊弔公旋車弔

諸室妻乃哭于城下七日而城崩故琴操云殖死妻

援琴作歌曰樂莫樂兮新相知悲莫悲兮生別離哀

感皇天城為之墮

案近刻訛作墜

即是城也其城三重竝悉

崇峻惟南開一門內城方十二里郭周四十許里尸

子曰莒君好鬼巫而國亡無知之難小白奔馬樂毅

攻齊守險全國秦始皇縣之漢興以為城陽國封朱

虛侯章治莒王莽之莒陵也光武合城陽國為琅邪

國以封皇子京雅好宮室窮極伎巧壁帶飾以金銀

衆壁近刻
訛作壁

明帝時京不安莒移治開陽矣

衆闕近刻
訛作闕

沐水又南袁公水東出清山遵坤維而注沐

衆遵近
刻訛作

尋沐水又南潯水注之水出于巨公之山西南流舊

竭以溉田

衆近刻溉
下衍渚字

東西二十里南北十五里潯水

又西南流入沭沭水又南與葛陂水會水發三柱山

西南流逕辟土城南

案近刻訛作辟城城南

世謂之辟陽城史

記建元以來王子侯者年表曰漢武帝元朔二年封

城陽共王子節侯劉壯為侯國也

案節近刻訛作劉

其水于

邑積以為陂謂之辟陽湖西南流注于沭水也

又南過陽都縣東入于沂

沭水自陽都縣又南會武陽溝水水東出倉山山上

有故城世謂之監官城非也即古有利城矣漢武帝

元朔四年封城陽共王子劉釘為侯國也其城因山
為基水導山下西北流謂之武陽溝又西至即丘縣
注于沭沭水又南逕東海郡即丘縣故春秋之祝丘
也桓公五年經書齊侯鄭伯如紀城祝丘左傳曰齊
鄭朝紀欲襲之漢立為縣王莽更之曰就信也郡國
志曰自東海分屬琅邪闕駟曰即祝魯之音

案即近
刻訛作

郎蓋字承讀變矣沭水又南逕東海厚丘縣王莽更
之曰祝其亭也分為二瀆一瀆西南出

案近刻脫
一瀆二字今

無水世謂之枯沭一瀆南逕建陵縣故城東漢景帝

六年

案近刻訛作八年

封衛綰為侯國王莽更之曰付亭也

沭水又南逕建陵山西

案原本及近刻並脫建字今考魏書地形志建陵縣有建

陵山魏正光中

案光近刻訛作元

齊王之鎮徐州也立大竭遏

水西流兩瀆之會置城防之曰曲沭戍自竭流三十

里

案近刻脫竭字

西注沭水舊瀆謂之新渠舊瀆自厚丘西

南出

案近刻脫舊瀆二字

左會新渠南入淮陽宿預縣注泗水

地理志所謂至下邳注泗者也經言于陽都入沂非

矣沐水左瀆自大堰水斷故瀆東南出桑堰水注之
水出襄賁縣泉流東注沐瀆又南左合橫溝水水發
瀆右東入沐之故瀆又南登于過

案近刻改作堰今
考注內竭亦通稱

過

其水西南流逕司吾山東又逕司吾縣故城西春
秋左傳楚執鍾吾子以為司吾縣王莽更之曰息吾
也又西南至宿預注泗水也沐水故瀆自下堰東南
逕司吾城東又東南歷柎口城中柎水出于楚之柎
地春秋襄公十年經書公與晉及諸侯會吳于柎京

相璠曰宋地今彭城偃陽縣西北有祖水溝去偃陽

八十里東南流逕傳陽縣故城東北

案傳近刻
訛作偃

地理

志曰故偃陽國也春秋左傳襄公十年夏四月戊午
會于祖晉荀偃士匄請伐偃陽而封宋向戌焉荀瑩
曰城小而固勝之不武弗勝為笑固請丙寅圍之弗
克孟氏之臣秦堇父輦重如役偃陽人啓門諸侯之
士門焉縣門發鄉人紇挾之以出門者狄虺彌建大
車之輪而蒙之以甲以為櫓左執之右拔戟以成一

隊孟獻子曰詩所謂有力如虎者也主人縣布堇父
登之及堞而絕之墜則又縣之蘇而復上者三主人
辭焉乃退帶其斷以徇于軍三日諸侯之師久于偏
陽請歸智伯怒曰七日不克爾手取之以謝罪也荀
偃士句攻之親受矢石遂滅之以偏陽子歸獻于武
宮謂之夷俘偏陽妘姓也漢以為縣漢武帝元朔三
年封齊孝王子劉就為侯國王莽更之曰輔陽也郡
國志曰偏陽有祖水祖水又東南

集近刻訛作
祖水而南

亂于

沂而注于沭謂之祖口城得其名矣東南至朐縣入游注海也

巨洋水出朱虛縣泰山北過其縣西

泰山即東小泰山也巨洋水即國語所謂具水矣袁宏謂之巨昧王韶之以為巨蔑亦或曰朐瀕皆一水也而廣其目焉其水北流逕朱虛縣故城西漢惠帝二年封齊悼惠王子劉章為侯國地理風俗記曰丹山在西南丹水所出東入海丹水由朱虛丘阜矣故

言朱虛城西有長坂遠峻名為破車峴城東北二十里有丹山世謂之凡山縣在西南非山也丹凡字相類音從字變也

案此下近刻衍山導二字

丹水有二源各導一山

世謂之東丹西丹水也西丹水自凡山

案近刻訛作穴山

北

流逕劇縣故城東東丹水注之水出方山山有二水

案二近刻訛作三

一水即東丹水也北逕縣合西丹水而亂

流又東北出逕薄澗北澗水亦出方山流入平壽縣積而為渚水盛則北注東南流屈而東北流逕平

壽縣故城西而北入丹水謂之魚合口丹水又東北

逕望海臺東

案近刻脫海字

東北注海蓋亦縣所氏者也

又北過臨朐縣東

巨洋水自朱虛北入臨朐縣熏冶泉水注之水出西

溪飛泉側瀨于窮坎之下泉溪之上源麓之側有一

祠目之為冶泉祠按廣雅金神謂之清明斯地蓋古

冶官所在故水取稱焉水色澄明而清冷特異淵無

潛石淺鏤沙文中有古壇參差相對後人微加功飾

以為嬉遊之處南北邃岸凌空疎木交合先公以太

和中作鎮海岱余總角之年侍節東州

案侍節刻
記作持

至

若炎夏火流間居倦想提琴命友嬉娛永日桂筍尋

波

案近刻訛作汭又桂筍
朱謀埠云當作桂擢

輕林委浪琴歌既洽歡情

亦暢是焉棲寄寔可憑衿小東有一湖佳饒鮮筍匪

直芳齊芍藥寔亦潔竝飛鱗其水東北流入巨洋謂

之熏冶泉又逕臨朐縣故城東城古伯氏駢邑也漢

武帝元朔元年

案近刻訛
作二年

封菑川懿王子劉奴為侯

國應劭曰臨朐山名也故縣氏之朐亦水名其城側

臨朐川

案近刻訛作側川臨朐

是以王莽用表厥稱焉城上下

案近刻作其城上下

沿水悉是劉武皇北伐廣固營壘所在矣

巨洋又東北逕委粟山東孤阜秀立

案秀近刻訛作委

形若

委粟又東北洋水注之水西出石膏山西北石澗口

東南逕逢山祠西

案祠上近刻行下字

洋水又東南

案近刻訛作南東

歷逢山下即石膏山也山麓三成

案近刻脫山字

壁立直上

山上有石鼓鳴則年凶郭緣生續述征記曰逢山在

廣固南三十里有祠并石鼓齊地將亂石人輒打石鼓聲聞數十里

案近刻脫聲字

洋水歷其陰而東北流世謂

之石溝水東北流出于委粟山北而東注于巨洋謂之石溝口然是水下流亦有時通塞及其春夏水泛川濶無輟亦或謂之為龍泉水地理志石膏山洋水所出是也

案近刻脫所字又是字訛在出字上

今于此縣惟是瀆當之

似符羣證矣巨洋水又東北得邳泉口泉源西出平地東流注于巨洋水巨洋水又北會建德水水西發

逢山阜而東流入巨洋水也

又北過劇縣西

巨洋水又東北合康浪水水發縣西南嶼山無事樹木而圓峭孤峙巔岼分立左思齊都賦曰嶼嶺鎮其

左是也

案近剡
脫鎮字

康浪水北流注于巨洋巨洋又東北

逕劇縣故城西古紀國也春秋莊公四年紀侯不能下齊以與弟季大去其國違齊難也後改曰劇故魯連子曰胸劇之人辯者也漢文帝十八年別為菑川

國後并北海漢武帝元朔二年封菑川懿王子劉錯

為侯國王莽更之曰俞縣也

案近刻脫曰字俞訛作愈

城之北側

有故臺臺西有方池

案近刻訛作地

晏謨曰西去齊城九十

七里耿弇破張步于臨淄追至巨洋水上僵尸相屬

即是水也巨洋又東北逕晉龍驤將軍幽州刺史辟

閭渾墓東而東北流墓側有一墳甚高大

案近刻脫墓字

時

人咸謂之為馬陵而不知誰之丘壘也巨洋水又東

北逕益縣故城東王莽更之曰滌蕩也

案滌蕩今漢書作滌陽

晏謨曰南去齊城五十里司馬宣王伐公孫淵北徙

豐人住于此城遂改名為南豐城也又東北積而為

潭枝津出焉謂之百尺溝西北流逕北益都城

案此下近

刻有也字

漢武帝元朔二年

案近刻訛作三年

封菑川懿王子劉

胡為侯國又西北流而注于巨淀矣

又東北過壽光縣西

巨洋水自巨淀湖

案近刻脫巨淀二字

東北流逕縣故城西王

莽之翼平亭也漢光武建武二年封更始子鯉為侯

國城之西南水東有孔子石室故廟堂也中有孔子

像弟子問經既無碑誌未詳所立巨洋又東北流堯

水注之水出劇縣南角崩山

衆角近刻記作有

即故義山也

俗人以其山角若崩

衆近刻脫此二字

因名為角崩山亦名

為角林山皆世俗音譌也水即蕤水矣地理志曰劇

縣有義山蕤水所出也北逕嶼山東俗亦名之為青

山矣

衆山近刻記作水

堯水又東北逕東西壽光二城間應

劭曰壽光縣有灌亭杜預曰在縣東南斟灌國也又

言斟亭在平壽縣東南平壽故城在白狼水西今北海郡治水上承營陵縣之下流東北逕城東西入別畫湖亦曰朕懷湖湖東西二十里南北三十里東北入海斟亭在漑水東水出桑犢亭東覆甌山亭故高密郡治世謂之故郡城山謂之塔山水曰鹿孟水亦曰戾孟水皆非也地理志桑犢

案近刻作地理志曰桑犢故亭

北海

之屬縣矣有覆甌山漑水所出北逕斟亭西北合白

狼水

案合白近刻訛作今曰

按地理志北海有斟縣京相璠曰

故斟尋國禹後西北去灌亭九十里溉水又北逕寒

亭西而入別畫湖

案近刻脫此五字

郡國志曰平壽有斟城

有寒亭

案近刻訛作平壽在斟灌東

薛瓚漢書集注云按汲郡古

文相居斟灌東郡灌是也明帝以封周後改曰衛斟

尋在河南非平壽也又云太康居斟尋羿亦居之桀

又居之尚書序曰太康失國兄弟五人徙于河汭此

即太康之居為近洛也余考瓚所據今河南有尋地

衛國有觀土國語曰啓有五觀謂之姦子五觀蓋其

名也所處之邑其名曰觀皇甫謐曰衛地

案近刻訛作也

又

云夏相徙帝丘

案帝近刻訛作高

依同姓之諸侯于斟尋氏

案近刻斟下衍灌斟二字

即汲冢書云相居斟灌也既依斟尋明

斟尋非一居矣窮后既仗善射篡相寒浞亦因逢蒙

弑羿

案寒近刻訛作韓下同

即其居以生澆因其室而有殪故

春秋襄公四年魏絳曰澆用師滅斟灌及斟尋氏處

澆于過處殪于戈是以伍員言于吳子曰過澆殺斟

灌以伐斟尋是也有夏之遺臣曰靡事羿羿之死也

逃于鬲氏

案鬲通列說
作鬲下同

今鬲縣也收斟灌斟尋二國

之餘燼

案斟尋近
剋斟字

殺寒浞而立少康滅之有窮遂亡

也是蓋寓其居而生其稱宅其業而表其邑縱遺文

沿禰亭郭有傳未可以彼有灌目謂專此為非捨此

尋名而專彼為是以土推傳

案土近剋
訛作上

應氏之據亦

可按矣堯水又東北注巨洋伏琛晏謨並言堯嘗頓

駕于此故受名焉非也地理志曰蕤水自劇東北至

壽光入海沿其逕趣即是水也

又東北入于海

巨洋水東北逕望海臺西東北流伏琛晏謨竝以為
平望亭在平壽縣故城西北八十里古縣又或言秦
始皇升以望海因曰望海臺未詳也按史記漢武帝
元朔二年封菑川懿王子劉賞為侯國又東北注于
海也

淄水出泰山萊蕪縣原山

淄水出縣西南山下世謂之原泉地理志曰原山淄

水所出故經有原山之論矣淮南子曰水出自飴山
蓋山別名也東北流逕萊蕪谷屈而西北流逕其縣
故城南從征記曰城在萊蕪谷當路阻絕兩山間道
由南北門漢末有范史雲為萊蕪令言萊蕪在齊非
魯所得引舊說云齊靈公滅萊萊民播流此谷邑落
荒蕪故曰萊蕪禹貢所謂萊夷也夾谷之會齊侯使
萊人以兵劫魯侯宣尼稱夷不亂華是也余按泰無
萊柞竝山名也郡縣取目焉漢高祖置左傳曰與之

無山及萊柞是也

案左傳季孫以桃邑與孟氏易成還杞辭息辭以無山與之萊柞是

言成有山今桃乃

無山耳此誤引

應劭十三州記曰太山萊蕪縣魯

之萊柞邑淄水又西北轉逕城西又東北流與一水

合水出縣東南俗謂之家桑谷水從征記名曰聖水

列仙傳曰鹿皮公者淄川人也少為府小史

案史近到訛作

史下

才巧舉手成器山岑上有神泉

案山岑近到訛作岑山泉訛作

象

人不能到小史白府君請木工斤斧三十人作轉

輪造縣閣意思橫生數十日梯道成上其巔作祠屋

留止其旁其二間以自回食芝草飲神泉七十餘年
溜水來山下呼宗族得六十餘人命上山半水出盡
漂一郡沒者萬計小史辭遣家室令下山著鹿皮衣
升閣而去後百餘年下賣藥齊市也其水西北流注
溜水溜水又北出山謂之萊蕪口東北流者也

東北過臨淄縣東

案近刻東
上衍又字

溜水自山東北流逕牛山西又東逕臨淄縣故城南
東得天齊水口水出南郊山下謂之天齊淵五泉並

出南北三百步廣十步山即牛山也左思齊都賦曰
牛嶺鎮其南者也水在齊八祠中齊之為名起于此
矣地理風俗記曰齊所以為齊者即天齊淵名也其
水北流注于淄水淄水又東逕四豪冢北水南山下
有四冢方基圓墳咸高七尺東西直列是田氏四王
冢也淄水又東北逕蕩陰里西水東有冢一基三墳
東西八十步是烈士公孫接田開疆古冶子之墳也
晏子惡其勇而無禮投桃以斃之死葬陽里即此也

淄水又北逕其城東城臨淄水故曰臨淄王莽之齊陵縣也爾雅曰水出其前左為營丘武王以其地封太公望賜之以四履都營丘為齊或以為都營陵史記周成王封師尚父于營丘東就國道宿行遲萊侯與之爭營丘逆旅之人曰吾聞時難得而易失客寢安殆非就封者也太公聞之夜衣而行至營丘陵亦丘也獻公自營丘徙臨淄余按營陵城南無水惟城北有一水世謂之白狼水西出丹山俗謂凡山也東

北流由爾雅出前左之文

案由近到
訛作山

不得以為營丘

矣營丘者山名也詩所謂子之營兮遭我乎徂之間

兮作者多以丘陵號同緣陵又去萊差近

案近剋脫
緣陵二字

咸言太公所封考之春秋經書諸侯城緣陵左傳曰

遷杞也毛詩鄭注並無營字瓚以為非近之今臨淄

城中有丘在小城內周迴三百步高九丈北降大五

淄水出其前故有營丘之名與爾雅相符城對天齊

淵故城有齊城之稱是以晏子言始爽鳩氏居之逢

伯陵居之太公居之人曰先君太公築營之丘季札
觀風聞齊音曰泱泱乎大風也哉表東海者其太公
乎田巴入齊過淄自鏡郭景純言齊之營丘淄水逕
其南及東也非營陵明矣獻公之徙其猶晉氏深翼

名絳

衆名近刻
訛作居

非謂自營陵而之也其外郭即獻公

所徙臨淄城也世謂之虜城言齊湣王伐燕燕王會

死虜其民實諸郭因以名之

衆近刻訛作實
居因郭以名之

秦始皇

子肥于齊為王國王莽更名濟南也戰國策曰田單為齊相過淄水有老人涉淄而出不能行坐沙中單乃解裘于斯水之上也

又東過利縣東

淄水自縣東北流逕東安平城北又東逕巨淀縣故

城南

集巨淀漢書作鉅定

征和四年漢武帝幸東萊臨大海三

月耕巨淀即此也縣東南則巨淀湖蓋以水受名也淄水又東北逕廣饒縣故城南漢武帝元鼎中封菑

川靖王子劉國為侯國淄水又東北馬車瀆水注之
受巨淀淀即濁水所注也呂忱曰濁水一名溷水出
廣縣為山世謂之冶嶺山

案治近劉北作治

東北流逕廣固

城西城在廣縣西北四里四周絕澗阻水深隍晉永
嘉中東萊人曹疑所造也水側山際有五龍口義熙
五年劉武帝伐慕容超于廣固也以藉險難攻兵力
勞弊河間人玄文說裕云昔趙攻曹疑望氣者以為
渾水帶城非可攻拔若塞五龍口城當必陷石虎從

之疑請降降後五日大雨雷電震開後慕容恪之攻段龕十旬不拔塞口而龕降降後無幾又震開之今

舊基猶存

案近刻脫今字

宜試脩築

案試近刻訛作城

裕塞之超及

城內男女皆悉腳弱病者大半超遂出奔為晉所擒也然城之所跨寔憑地險其不可固城者在此濁水東北流逕堯山東從征記曰廣固城北三里有堯山祠堯因巡狩登此山後人遂以名山廟在山之左麓廟像東面華宇脩整帝圖嚴飾軒冕之容穆然山之

上頂舊有上祠今也毀廢無復遺式盤石上尚有人
馬之跡徒黃石而已惟刀劍之蹤逼真矣至于燕鋒
代鐔魏缺齊鏐

案近刻
記作銘

與今劍莫殊以密模寫知人

功所制矣西望胡公陵孫暢之所云青州刺史傅弘
仁言得銅棺隸書處濁水入東北流逕東陽城北東
北流合長沙水水出逢山北阜世謂之陽水也東北
流逕廣縣故城西舊青州刺史治亦曰青州城陽水
又東北流石井水注之水出南山山頂洞開

案近刻
脫一山

字

望若門焉俗謂是山為磬頭山

案磬朱謀埠云當作劈

其水

北流注井井際廣城東側三面積石高深一匹有餘

長津激浪瀑布而下彭蠡之音驚川聒谷崩湊之勢

狀同洪河

案近刻訛作井

北流入陽水余生長東齊極遊其

下于中闊絕乃積綿載後因王事復出海岱郭金紫

惠同石井賦詩言意彌日嬉娛尤慰羈心但恨此水

時有通塞耳陽水東逕故七級寺禪房南水北則長

謂脩脩釋子眇眇禪棲者也陽水入東逕東陽城東

南

案東陽近劉晚東字

義熙中晉青州刺史羊穆之築此以在

陽水之陽即謂之東陽城

案謂下近劉衍城字

世以濁水為西

陽水故也水流亦有時窮通信為靈矣昔在宋世是

水絕而復流劉晁賦通津焉魏太和中此水復竭輟

流積年先公除州即任未暮是水復通澄映盈川所

謂幽谷枯而更溢窮泉輟而復流矣海岱之士又頌

通津焉平昌龙民孫道相頌曰惟彼滙泉竭踰三齡

祈盡瑋瑋謁窮斯牲

集謁近刻
訛作竭

道從隆替降由聖明

耄民河間趙嶷頌云敷化未朞元澤潛施枯源揚澗
涸川滌陂北海郭欽曰先政輟津我后通洋但頌廣
文煩難以具載陽水又北屈逕漢城陽景王劉章廟
東東注于巨洋後人竭斷令北注濁水時人通謂濁
水為陽水故有南陽北陽水之論二水渾流世謂之
為長沙水也亦或通名之為澠水故晏謨伏琛為齊
記竝云東陽城既在澠水之陽宜為澠陽城非也世

又謂陽水為洋水余按羣書盛言洋水出臨朐縣而陽水導源廣縣兩縣雖鄰川土不同于事疑焉濁水又北逕臧氏臺西又北逕益城西又北流注巨淀地理志曰廣縣為山濁水所出東北至廣饒入巨淀巨淀之右又有女水注之水出東安平縣之蛇頭山從征記曰水西有桓公冢甚高大墓方七十餘丈高四丈圓墳圍二十餘丈高七丈餘一墓方七丈二墳晏謨曰依陵記非葬禮如承世故與其母同墓而異墳

伏琛所未詳也冢東山下女水原有桓公祠侍其衡
奏魏武王所立曰近日路次齊郊瞻望桓公墳壟在
南山之阿請為立祀為塊然之主郭緣生述征記曰
齊桓公冢在齊城南二十里因山為墳大冢東有女
水或云齊桓公女冢在其上故以名水也女水灤川
東北流甚有神焉化隆則水生政薄則津竭燕建平
六年水忽暴竭玄明惡之寢病而亡燕太上四年女
水又竭墓容超惡之燕祚遂淪女水東北流逕東安

平縣故城南續述征記曰女水至安平城南伏流十

五里然後更流北注陽水

案近刻訛作注北楊水

城故鄣亭也

春秋魯莊公三年紀季以鄣入齊公羊傳曰季者何

紀侯弟也賢其服罪請鄣以奉五祀田成子單之故

邑也後以為縣博陵有安平

案原本及近刻並脫安字今補

故此加

東也世祖建武七年封菑川王子劉茂為侯國又逕

東安平城東

案近刻脫東字

東北逕壘丘東東北入巨淀

案近

刻脫巨字

地理志曰菑頭山女水所出東北至臨淄入巨

淀又北為馬車瀆北合溜水又北時澠之水注之時

水出齊城西北二十五里

案西下近刻衍南字

平地出泉即如

水也亦謂之源水因水色黑俗又目之為黑水西北

逕黃山東又北歷愚山東

案東上近刻重一山字

有愚公冢時

水又屈而逕杜山北有愚公谷齊桓公時公隱于谷

案近刻訛作縣

鄰有認其駒者公以與之山即杜山之通阜

以其人狀愚故謂之愚公水有石梁

案水上近刻衍故山二字

亦

謂之為石梁水又有瀘水注之水出時水東去臨淄

城十八里所謂澧中也俗以澧水為宿留水西北入于時水孟子去齊三宿而後出澧故世以此而變水名也水南山西有王歆墓昔樂毅伐齊賢而封之歆不受自縊而死水側有田引水溉跡尚存時水又西北逕西安縣故城南本渠丘也

案近刻脫丘字

齊大夫雖廩

之邑矣王莽更之曰東寧時水又西至石洋堰分為二水謂之石洋口枝津西北至渠鄙入濟時水又北逕西安城西又北京水系水注之水出齊城西南世

謂之寒泉也

案近刻脫之字

東北流直申門西京相璠杜預

並言申門即齊城南面西第一門矣為申池昔齊懿

公遊申池邠歌閭職二人

案近刻歌訛作戎閭訛作庸

害公于竹

中今池無復髣髴然水側尚有小小竹木以時遺生

也左思齊都賦注申池在海濱齊數也余按春秋襄

公十八年晉伐齊戊戌伐雍門之萩

案近刻訛作萩

己亥焚

雍門壬寅焚東北二郭甲辰東侵及濰南及沂

案近刻脫

濰南及

三字

而不言北掠于海且晉獻子尚不辭死以逞

志何容對仇敵而不懲

集近刻
訛作徵

暴草木于海嶠乎又

炎夏火流非遠遊之辰懿公見弑蓋是白龍魚服見

困近郊矣左氏捨近舉遠

集舉近刻
訛作遺

考古非矣

集近
訛

作杜預之言

集之近刻
訛作泛

有推據耳系水傍城北流逕

陽門西水次有故封處所謂齊之稷下也當戰國之

時以齊宣王喜文學遊說之士鄒衍淳于髡田駢接

子慎到之徒七十六人皆賜列第為上大夫不治而

論議是以齊稷下學士復盛且數百十人劉向別錄

以稷為齊城門名也談說之士期會于稷門下故曰

稷下也鄭志

案此下近刻有曰字

張逸問書贊云

案近刻脫書字

我先

師棘下生何時人鄭玄答云齊田氏時善學者所會

處也齊人號之棘下生無常人也余按左傳昭公二

十二年莒子如齊盟于稷門之外漢以叔孫通為博

士號稷嗣君史記音義曰欲以繼蹤齊稷下之風矣

然棘下又是魯城內地名

案魯原本及近刻並訛作齊今改正

左傳定

公八年陽虎劫公伐孟氏入自上東門戰于南門之

內又戰于棘下者也蓋亦儒者之所萃焉故張逸疑而發問鄭玄釋而辯之雖異名互見

案互近刻訛作于

大歸

一也城內有故臺有營丘有故景王祠即朱虛侯章廟矣晉起居注云齊有大蛇長三百步負小蛇長百餘步逕于市中市人悉觀自北門所入處也北門外東北二百步有齊相晏嬰冢宅左傳晏子之宅近市景公欲易之而嬰弗更為誠曰吾生則近市死豈易志乃葬故宅後人名之曰清節里系水又北逕臨淄

城西門北而西流逕梧宮南昔楚使聘齊齊王饗之
梧宮即是宮矣其地猶名梧臺里臺甚層秀東西百
餘步南北如減即古梧宮之臺臺東即闕子所謂宋

愚人得燕石處臺西有石社碑

案社近刻訛作
杜重一碑字

猶存

漢靈帝熹平五年立其題云梧臺里系水又西逕蔡

丘北春秋莊公八年襄公使連稱管至父戍蔡丘京

相璠曰齊西五十里有蔡丘地若是無庸戍之

案近
刻脫

周僖公九年齊桓會諸侯于葵丘宰孔曰齊侯不務

脩德而勤遠略明葵丘不在齊也案近刻脫明字引河東汾

陰葵丘

案河東原本及近刻並訛作胡廣今改正

山陽西北葵城宜在此

非也余原左傳連稱管至父之戍葵丘以瓜時為往

還之期

案為今刻訛作而

請代弗許將為齊亂故令無寵之

妹候公子宮

案妹近刻訛作妹

因無知之絀

案近刻訛作出

遂害襄

公若出遠無代寧得謀及婦人而為公室之亂乎是

以杜預稽春秋之旨即傳安之注于臨淄西

案此句有舛誤

不得捨近託遠苟成已異于異可殊即義為負然則

葵丘之戍即此地也系水西

案系原本及近刻並訛作時今改正

左也

為潭入西逕高陽僑郡南魏所立也又西北流注于
時時水又東北流澠水注之水出營城東世謂之漢
溱水也西北流逕營城北漢景帝四年封齊悼惠王
子劉信都為侯國澠水又西逕樂安博昌縣故城南
案樂安下近應劭曰昌水出東萊昌陽縣道遠不至
刻衍南字取其嘉名闕駟曰縣處勢平故曰博昌澠水西歷貝
丘京相璠曰博昌縣南近澠水有地名貝丘在齊城

西北四十里

案近剡脫城字

春秋莊公八年齊侯田于貝丘

見公子彭生豕立而泣齊侯墜車傷足于是處也澠水又西北入時水從征記又曰水出臨淄縣北逕樂安博昌南界西入時水者也自下通謂之為澠也昔晉侯與齊侯宴齊侯曰有酒如澠指喻此水也時水又屈而東北逕博昌城北時水又東北逕齊利縣故城北又東北逕巨淀縣故城北又東北逕廣饒縣故城北東北入淄水地理風俗記曰淄入濡淮南子曰

白公問微言曰若以水投水如何孔子曰淄澠之水合易牙嘗而知之謂斯水矣

又東北入于海

淄水入馬車瀆亂流東北逕琅槐故城南又東北逕馬井城北與時澠之水互受通稱故邑流其號又東北至皮丘坑入于海

案坑近利訛作沈

故晏謨伏琛竝言淄

澠之水合于皮丘坑西地理志曰馬車瀆至琅槐入于海蓋舉縣言也

汶水出朱虛縣泰山

山上有長城西接岱山東連琅邪巨海千有餘里蓋

田氏之所造也竹書紀年梁惠成王二十年齊築防

以為長城竹書又云晉烈公十二年王命韓景子趙

烈子翟員伐齊

案烈子近刻訛作烈侯又翟員二字訛作及我師

入長城史

記所謂齊威王越趙侵我伐長城者也

案伐字近刻訛在我字上

伏琛晏謨並言水出縣東南崕山山在小泰山東者

也

北過其縣東

汶水自縣東北逕郃城北

案郃近刻
訛作嵒

地理風俗記曰

朱虛縣東四十里有郃城亭

案近刻訛
作嵒亭城

故縣也又東

北逕管寧冢東故晏謨言柴阜西南有魏獨行君子

管寧墓墓前有碑又東北逕柴阜山北山之東有徵

士邠原冢碑誌存焉汶水又東北逕漢青州刺史孫

嵩墓西有碑碣汶水又東逕安丘縣故城北漢高帝

八年封將軍張說為侯國地理志曰王莽之誅邳也

孟康曰今渠丘亭是也

案渠丘亭下近刻有莒渠丘城四字乃下文訛舛在此

伏琛晏謨齊記並言莒渠丘亭在安丘城東北十里

非矣

案近刻訛作並言亭在丘城東北十里非城也

城對牟山之西南有

孫賓碩兄弟墓碑誌並在也

又北過淳于縣西又東北入于濰

案原本及近刻並訛作濰今改正

故夏后氏之斟灌國也周武王以封淳于公號曰淳

于國春秋桓公六年冬州公如曹傳曰淳于公如曹

度其國危遂不復也其城東北則兩川交會也

濰水出琅邪箕縣濰山

集近刻脫此二字

琅邪山名也越王句踐之故國也句踐并吳欲霸中國徙都琅邪秦始皇二十六年滅齊以為郡城即秦皇之所築也

集皇近刻此作王

遂登琅邪大樂之山作層臺

于其上謂之琅邪臺臺在城東南十里孤立特顯出于衆山上下周二十里餘傍濱巨海秦王樂之因留三月乃徙黔首三萬戶于琅邪山下復十二年所作臺基三層層高三丈上級平敞方二百餘步廣五里

案廣近刻

訛作高

刊石立碑紀秦功德臺上有神淵淵至靈

焉

案至近刻
訛作主

人汙之則竭齋潔則通神廟在齊八祠

中漢武帝亦嘗登之漢高帝呂后七年以為王國文

帝三年更名為郡王莽改曰填夷矣濰水導源濰山

許慎呂忱云濰水出箕屋山淮南子曰濰水出覆舟

山蓋廣異名也東北逕箕縣故城西又西析泉水注

之水出析泉縣北松山東南流逕析泉縣東

案近刻
脫逕字

又東南逕仲固山東北流入于濰地理志曰至箕縣

北入澨者也澨水又東北逕諸縣故城西春秋文公十二年季孫行父城諸及鄆傳曰城其下邑也王莽更名諸并矣澨水又東北涓水注之水出馬耳山高百丈上有二石竝舉望齊馬耳故世取名焉東去常山三十里涓水發于其陰北逕婁鄉城東春秋昭公五年經書夏莒牟夷以牟婁防茲來奔者也又分諸縣之東為海曲縣故俗人謂此城為東諸城涓水又北注于澨水

東北過東武縣西

案東武下近
判衍城字

縣因岡為城城周三十里漢高帝六年封郭蒙為侯

國王莽更名之曰祥善矣又北左合扶淇之水水出

西南常山東北流注濰晏伏竝以濰水為扶淇之水

案伏近刻

訛作濰

以扶淇之水為濰水非也按經脈誌濰自

箕縣北逕東武縣西北流合扶淇之水晏謨伏琛云

東武城西北二里濰水者即扶淇之水也濰水又北

右合盧水即久台水也地理志曰水出琅邪橫縣故

山王莽之令丘也

案今近刻作合

山在東武縣故城東南世

謂之盧山也西北流逕昌縣故城西東北流齊地記

曰東武城東南有盧水水側有勝火木方俗音曰櫟

子其木經野火燒死炭不滅故東方朔云不灰之木

者也其水又東北流逕東武縣故城東而西北入濰

地理志曰久台水東南至東武入濰者也

案近刻水下有出字

至作尚書所謂濰淄其道矣

又北過平昌縣東

澠水又北逕石泉縣故城西王莽之養信也地理風俗記曰平昌縣東南四十里有石泉亭故縣也澠水又北逕平昌縣故城東荆水注之水出縣南荆山阜東北流逕平昌縣故城東漢文帝封齊悼惠王肥子卬為侯國

案卬近刻訛作永

城之東南角有臺臺下有井與

荆水通物墜于井則取之荆水昔常有龍出入于其中故世亦謂之龍臺城也荆水又東北流注于澠澠水又北浯水注之水出浯山世謂之巨平山也地理

志曰靈門縣有高原山壺山

案原卽柘字近刻訛作有高原山與潞一山

潞水所出東北入滌今是山西接潞山許慎說文言
水出靈門山世謂之潞汶矣其水東北逕姑幕縣故
城東縣有五色土王者封建諸侯隨方受之故薄姑
氏之國也闕駟曰周成王時薄姑與四國作亂周公
滅之以封太公是以地理志曰或言薄姑也王莽曰
季睦矣應劭曰左傳曰薄姑氏國太公封焉薛瓚漢
書注云博昌有薄姑城未知孰是潞水又東北逕平

昌縣故城北古竭此水以溢溉田南注荆水浯水又東北流而注于澨水也

又北過高密縣西

應劭曰縣有密水故有高密之名也然今世所謂百尺水者蓋密水也水有二源西源出奕山亦曰鄆日

山山勢高峻隔絕陽曦

案近刻脫此八字

晏謨曰山狀鄆日

是有此名伏琛曰山上鄆日故名鄆日山也其水東北流東源出五弩山西北流同瀉一壑俗謂之百尺

水古人竭以溉田數十頃北流逕高密縣西下注濰
水自下亦兼通稱焉亂流歷縣西碑產山西又東北
水有故堰舊鑿石豎柱斷濰水廣六十許步掘東岨
激通長渠東北逕高密縣故城南

業近刻
脫縣字

明帝永平

中封鄧震為侯國縣南十里蓄以為塘方二十餘里
古所謂高密之南都也溉田一頃許陂水散流下注
夷安澤濰水自堰北逕高密縣故城西漢文帝十六
年別為膠西國宣帝本始元年

業本近刻
訛作平

更為高密

國王莽之章牟也。濰水又北，昔韓信與楚將龍且夾
濰水而陣于此。信夜令為萬餘囊盛沙，以遏濰水，引
軍擊且，偽退。且追北，信決水，水大至，且軍半不得渡。
遂斬龍。且于是水。水西有厲阜。秦近刻
作鴈阜阜上有漢司
農卿鄭康成冢，石碑猶存。又北，逕昌安縣故城。東漢
明帝永平中，封鄧襲為侯國也。郡國志曰：漢安帝延
光元年復也。

又北，過淳于縣東。

澠水又北左會汶水北逕平城亭西又東北逕密鄉
亭西郡國志曰淳于縣有密鄉地理志皆北海之屬
縣也應劭曰淳于縣東北六十里有平城亭又四十
里有密鄉亭故縣也澠水又東北逕下密縣故城西
城東有密阜地理志曰有三戶山祠案戶近刻
訛作石余按
應劭曰案近刻
脫曰字密者水名是有下密之稱俗以之名
阜非也

又東北過都昌縣東

案過近刻
訛作逕

濰水東北逕逢萌墓萌縣人也少有大節恥給事縣
亭遂浮海至遼東復還在不其山隱學明帝安車徵
萌以佯狂免又北逕都昌縣故城東漢高帝六年封
朱軫為侯國北海相孔融為黃巾賊管亥所圍于都
昌也太史慈為融求救劉備持的突圍其處也

又東北入于海

膠水出黔陬縣膠山北過其縣西

齊記曰膠水出五弩山蓋膠山之殊名也北逕祝茲

縣故城東漢武帝元鼎中封膠東康王子延為侯國

又逕扶縣故城西

案扶漢書作却

地理志琅邪之屬縣也漢

文帝元年封呂平為侯國膠水又北逕黔陬故城西

袁山松郡國志曰縣有介亭地理志曰故介國也春

秋僖公九年介葛盧來朝聞牛鳴曰是生三犧皆用

之問之果然晏謨伏琛並云縣有東西二城相去四

十里有膠水非也斯乃拒艾水也水出縣西南拒艾

山即齊記所謂黔艾山也東北流逕拒縣故城西

案拒

近刻訛
作拒

王莽之被同也

案校同近刻
訛作秩國

世謂之王城又

謂是水為洋水矣

案近刻重
一洋字

又東北流

案近刻
訛作逕

晏伏

所謂黔陬城西四十里有膠水者也又東入海地理

志琅邪有拒縣根艾水出焉東入海即斯水也今膠

水北流

案近刻
脫流字

逕西黔陬城東晏伏所謂

案此四字
近刻訛在

西黔陬
城東上

高密郡側有黔陬縣

案黔陬音為
高密郡治

地理志曰

膠水出却縣

案却近刻
訛作却

王莽更之純德矣疑即是縣

所未詳也

又北過夷安縣東

縣故王莽更名之原亭也

案近刻脫故字
名之下有曰字

應劭曰故

萊夷維邑也

案近刻
脫維字

太史公曰晏平仲萊之夷維之

人也漢明帝永平中封鄧珍為侯國西去濰水四十

里膠水又北逕膠陽縣東

案近刻
脫縣字

晏伏竝謂之東亭

自亭結路南通夷安地理風俗記曰淳于縣東南五

十里有膠陽亭故縣也又東北流

案近刻
訛作逕

左會一水

世謂之張奴水水發夷安縣東南阜下西北流歷膠

陽縣注于膠膠水之左為澤渚東北百許里

案近刻脫一膠

字訛作水之左東北

為澤水渚百許里

謂之夷安潭潭周四十里

案潭下近

刻衍之

亦維水枝津之所注也膠水又東北逕下密

澤二字

縣故城東又東北逕膠東縣故城西漢高帝元年別

為國景帝封子寄為王國王莽更之郁秩也

案秩今漢書作

秩

今長廣郡治伏琛晏謨言膠水東北迴達于膠東

城北百里流注于海

又北過當利縣西北入于海

縣故王莽更名之為東萊亭也

案近刻脫
名字為字

又北逕平

度縣漢武帝元朔二年封菑川懿王子劉衍為侯國

王莽更名之曰利盧也縣有土山膠水北歷土山注

于海海南土山以北悉鹽圻相承脩煮不輟北眺巨

海杳冥無極天際兩分白黑方別所謂溟海者也

案謂

下近刻

衍之字故地理志曰膠水北至平度入海也

案也上
近刻衍

者

字

水經注卷二十六